

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. लेफ्टिनेंट गवर्नर मनोज सिन्हा होरें जागरूकता पर आधारित लघु फिल्म 'मारेआं नीं माय मिगी' जारी कीती। उनें बच्चिएं दी हिफाजत दी सांझी जिम्मेदारी दी जरूरत पर जोर दिता।
2. मुखमंत्री उमर अब्दुल्ला होरें टाटा मुम्बई मैराथान-2026 च हिस्सा लेंदे होई नौजवानें गी सक्रिय जीवनशैली गी प्राथमिकता देने दा आग्रह कीता।
3. जम्मू-कश्मीर विधानसभा दे स्पीकर होरें औंदे बजट इजलास शा पैहले कम्मकाज सरगंधी सलाहकार कमेटी लेई सदस्यें गी नामजद कीता ऐ।
4. जम्मू च आयोजित सृजन खेड सम्मेलन च हिस्सा लै'रदिएं ओलंपिक पदन विजेता करनम मल्लेश्वरी होरें जम्मू-कश्मीर दे नौजवानें दी ताकत ते समर्थ दी सराहना कीती ऐ।
5. मौसम विभाग नै प्रदेश च कल्लै थमां बरखा ते बर्फबारी दी भविष्यवाणी कीती ऐ। चिनाब घाटी सने पीर पंजाल ते दक्खनी बश्कीर च भारी बरखा ते बर्फबारी दे असारा।

<><><><><><>

LG-Awareness Film

लेफ्टिनेंट गवर्नर मनोज सिन्हा होरें इस गल्लै पर जोर पाया ऐ जे कुड़ियें दी हिफाजत ते सशक्तिकरण समाज दी सांझी जिम्मेदारी ऐ। उनें एह गल्ल लोकभवन च 'मारया नेई माए मिगी' नांs दी इक लघु फिल्म गी जारी

करने मगरा आक्खी। एह लघु फिल्म बालिकाएं गी बचाओ, जागरूकता उप्पर आधारित ऐ। D.L.S.R प्रोडक्शन जम्मू दे बैनर हेठ बनाई गेदी एह फिल्म कन्या भूण हत्या दे मुद्दे पर आधारित ऐ ते प्रधानमंत्री नरेंद्र मोदी हुं'दे नारे 'बेटी बचाओ, बेटी पढ़ाओ' थमां प्रेरित ऐ। इस फिल्म दा मकसद इक मजबूत समाजी स्नेहा देना ऐ। एल.जी होरें फिल्म दी समूलची टीम गी मुबारकबाद दिती ते उं'दी कामयाबी दी कामना कीती।

<><><><><><>

CM-Mumbai Marathon

मुख्यमंत्री उमर अब्दुल्ला होरें टाटा मुम्बई मैराथन-2026 च हिस्सा लेंदे होई अदी लम्मी द्रौड़ यानि हॉफ मैराथन आली श्रेणी च ज्हारां बदे होरनें धावकें दे कन्नै द्रौड़ लाई। इस मौके पर उं'नें नौजवानें लेई सेहत ते तंदरुस्ती दे महत्वै पर जोर पांदि होई उं'नें गी गुजारश कीती जे ओह सक्रिय रौहंदे होई खेडें च हिस्सा लैन ते नियमित तौर पर बर्जिश करदे रौहन। मुख्यमंत्री होरें नौजवानें गी आखेआ जे ओह अपनी नियमित दिनचर्या गी संतुलित करन ते मोबाइल फोन ते टेलिविजन दिक्खने दे समें गी घट्ट करन।

टाटा मुम्बई मैराथन आली इस लम्मी द्रौड़ च खरी मती गिनतरी च लोकें हिस्सा लैता ते उं'दी एह शमूलियत देसै च लोकें अंदर दिलचस्पी ते जागरूकता गी दर्शादी ऐ।

<><><><><><>

BAC-Speaker

जम्मू-कश्मीर विधानसभा दे स्पीकर अब्दुल रहीम राथर होरें 2 फरवरी थमां शुरू होआ'रदे औंदे बजट इजलास शा पैहले कम्मकाज सरबंधी सलाहकार कमेटी च मिम्बरें गी नामजद कीता ऐ। विपक्ष दे नेता सुनील शर्मा सने अली मोहम्मद सागर, मुबारक गुल, मोहम्मद युसुफ तारीगामी, गुलाम अहमद मीर, सज्जाद लोन, मीर मोहम्मद फयाज ते चौधरी मोहम्मद अकरम होरें गी कमेटी दा मिम्बर बनाया गेआ ऐ। एहू कमेटी सदन दे कम्मबाज गी सुचारू ढंगै कन्नै चलाने च महत्वपूर्ण भूमिका अदा करोग।



Border Sports Fest

उपमुखमंत्री सुरिंद्र चौधरी होरें आखेआ ऐ जे सरकार सरहदी इलाकें च खेडें दे बुनियादी ढांचे गी शैहरी केंद्रें दे बरोबर आहनने लेई बचने बज्झी दी ऐ। उनें एहू गल्ल राजौरी जिले दे नौशेहरा च लोआए गेदे सरहदी खेड उत्सव च आक्खी। युवा सेवाएं ते खेड मैहकमे दे मंत्री सतीश शर्मा होर बी इस मौके पर मौजूद हे। उपमुखमंत्री ते खेड मंत्री होरें इस मौके पर मुकामी स्टेडियम च नमीं खेड सुविधाएं दे निर्माण आस्तै नींह पत्थर रक्खेआ। नमीं सुविधाएं च वालीबॉल कोर्ट ते इक अभ्यास पिच शामिल ना। खेड उत्सव च दंगल, कौडू ते रस्साकशी जनेहियें रिवायती खेडें च उत्साह कन्नै भागीदारी दिक्खी गेई। उत्सव च बड्डी गिनतरी च लोकें जोश कन्नै शिरकत कीती। बन्नै आहले इलाकें दे नौजोआनें इस मौके पर अपनी प्रतिभा दा प्रदर्शन कीता।



CS-Sports

मुख्य सचिव अटल डुल्लू होरें आखेआ ऐ जे पिछले 5एं-6एं ब'रें दरान कीती गेदी पैहलकदमिं जम्मू-कश्मीर च खेडें सरबंधी ढांचे ते संस्कृति गी मजबूती देने दा कम्म कीता ऐ। उ'नें प्रदेश दे दूर दरेडे इलाकें च राश्ट्री ते अंतरराश्ट्री सतह दे कार्यक्रमें च युवाएं दी बड़ी मती भागीदारी पर लोऽ पाई ते आखेआ जे युवाएं गी आलमी सतह उप्पर उं'दी प्रतिभा दे प्रदर्शन लेई लोडचदे मौके उपलब्ध करोआया जाना अत्त लाजमी ऐ। मुख्य सचिव होर जम्मू च आयोजित दऊं दिनें दे राश्ट्री सतह दे खेड सम्मेलन सृजन दे उद्घाटनी समारोह दरान बोला करदे हे जेहदे च मकामी ते राश्ट्री सतह दे बी केई बड्डे खडारी हिस्सा लै करदे ना। इ'नें खडारिं च भारत दी पैहली महिला ओलंपिक पदक विजेता कर्नम मल्लेश्वरी बी शामिल न जिनें मौसम सरबंधी सिखलाई चुनौतिं दे बावजूद मकामी बच्चें दी ताकत ते समर्थ दी सराहना कीती ऐ।

<><><><><><>

Winter Carnival

डोडा जिले दे भद्रवाह च आयोजित दो दिनें दा विंटर कार्निवल जारी ऐ ते एहदे च लोक बडे उत्साह दे कन्नै सांस्कृतिक ते मनोरंजक गतिविधिं दा हिस्सा बना करदे ना। अज्ज इस स्यालु उत्सव दे दुए ध्याडे कोटली आले न्यू बस स्टैंड च मशहूर पंजाबी गायक जी. खान होरनें मकामी ते लोक कलाकारें जि'आं चिराग कोतवाल, दीपक कुमार ते होरनें दे कन्नै अपनी शानदार प्रस्तुतिं राहें लोकें दा मनोरंजन करडन। मेद कीती जा'रदी ऐ जे इ-नें प्रस्तुतिं गी दिक्खने आस्तै खरी मती गिनतरी च मकामी लोक ते सैलानी बी उत्थे औडन।

<><><><><><>

Condolence

लोकभवन च जनसंपर्क निदेशक ते जम्मू च संस्कृति अफसर रेही चुके दे ठाकुर सिंह हुं'दा काल होई गेआ ऐ। ओहू 70एं बरें दे हे ते अपने पिच्छे घरै आहली, इक पुत्तर ते इक धीह छुडी गेन। उंदा खीरी संस्कार उन्दे जद्दी ग्रांड बस्सर च कीता गेआ। ठाकुर सिंह होरें सूचना विभाग, लोक भवन दे अलावा श्री माता वैशणो देवी श्राइन बोर्ड च बी अपनियां सेवां दित्तियां। ओहू आकाशवाणी दे क्षेत्रीय समाचार एकांश जम्मू दे काउंटर प्रोपगैंडा कमेंट्री लिखने आहलें दे पैनल च बी दर्ज हे।

<><><><><><>

Weather

मौसम विभाग नै औने आहले दिनें दरान जम्मू-कश्मीर च बरखा ते बर्फबारी दे असार जताए ना। विभाग मूजब, कल्लै थमां प्रदेश दे मते सारे इलाकें च मौसम बदलोखड़ा बने दा रौहग ते केई थाहें पर हौली शा दरम्याने दर्जे दी बरखा जां बर्फबारी होई सकदी ऐ। उ'आं 22 जनवरी थमां लेइयै 25 जनवरी तगर खित्ते च पच्छमी ब्हाएं च खौदल करी मौसम प्रभावत रेई सकदा ऐ। तोंआई 23 ते 24 जनवरी गी चिनाव घाटी, उधमपुर, रियासी ते दक्खनी कश्मीर दे किश हिस्सें च मध्यम शा भारी बरखा बरने दे असार दस्से गेदे ना। मौसम विभाग ने जात्तरिएं ते करसानें गी लोडचदी एहतियात बरतने लेई आखेआ ऐ। मौसम विभाग दे निदेशक मुख्तार अहमद होरें इस बारै च होर जानकारी दिंदे होई दस्सेया.